





金石古文卷六



地集

成都升菴楊慎輯次

漢執金吾丞武榮碑

君諱榮字含和治魯詩經韋君章句 闕憤

傳講孝經論語漢書史記左氏國語廣學

甄微靡不貫綜久遊太學貌然高厲鮮於

雙匹學優則仕為周書佐郡曹史主簿督

郵五官掾功曹守從事年世六汝南蔡府

君察舉孝廉 字關二 郎中遷執金吾丞遭孝

桓大憂屯守玄武戚哀悲慟加遇害氣遭

疾隕靈

字闕四

君卽吳郡府卿之仲子燉煌

長史之次弟也廉孝相承亦世載德不忝

字闕四命闕

不竟台衡蓋觀德於始述行於

終於是刊石勒銘垂示無窮其辭曰

天降雄彥資才卓茂仰高鑕堅允文允武

內字闕一

三署外闕

師旅

闕

勒屯

守舊威

闕

武

闕

旗絳天雷震電舉軟燿赫然陵惟孝

虎當遂股肱闕之元輔天何不弔降此

闕

咎癘平我君仁如不壽爵不副德位不稱

功感懷傷愴遠近哀同身汲

字闕二

萬世諷

誦

右漢執金吾丞武榮碑歐陽公謂其

文字殘缺不見卒葬年月及氏族所

出予家本殘缺與歐公同而隸釋所

載者則文往往可讀如云君卽吳郡

府卿之子燉煌長史之次弟此乃其

氏族之所出也但碑文簡短不書卒

葬年月歐公特未之知耳

漢荊州刺史度尚碑

君諱尚字博平其先出自顓頊與楚同姓
熊嚴之後闕亦世掌位統國法度秦兼天
闕和之純質秉黃中之正性智含淵藪仁
隆春煖義高秋雲行潔冰霜慷慨壯厲臨
闕休譽固已著矣及其典牧必招振賢才
抽拔幽逸選召所任極當世之秀士養民
有闕令聞彌崇暉光日新可謂盛德者已

初奉歲計拜郎中除上虞長玄化潛洞百

姓闕數縣恩信竝宣令行禁止以從父憂

去官更舉孝廉爲右校令是時南蠻蠢動

擢拜闕醜殊俗賓服遠人用綏封右鄉侯

遷遼東太守旬月之間歲貉寧輯會揚賊

畔於闕拜中郎將料敵制勝威謀合神持

重優於營平深入則輕冠軍附士渥於李

廣御衆闕同滋味必達井辨幕然後飲舍

惠以厚下說以犯難是故所征輒克師徒

無頽闕寇殄殪干戈載戰走馬以糞朝貪
厥重復拜荊州刺史以故秩居冊書慰薦
因賜闕之荊域號慕雖周人之思召伯弗
此踰也於是故吏感清廟之頌歎斯父之
詩乃闕曰於惟我允懿允明文武是該克
忠克真粵初發藻在彼上虞邁種厥德闕
矣匪祿是榮無言不讎帝揚厥聲俾作配
闕往撫于荆撫荆惟何南夏是闕邦家截
彼海外績莫匪嘉天生我侯實爲民望心

乎其愛四方是印如何不永闕而不死芳
烈遺兮

永康元年歲在鶉尾龍集丁未時維闕歲

闕

右漢荊州刺史度尚碑尚後漢書有
傳碑今在徐州州治蓋成化間吾鄉
顧君崇善以工部郎中管理河道見
其淪於湖陵城闌出之遂置於此按
酈道元水經注云湖陵城東有度尚

碑則自漢至晉自晉至今而此碑未嘗徙也又隸釋云政和中巡檢王當世見其在湖陵荒野遷之官廨後邑令勝君欲徙碑於沛舟載而覆沉沒不出又其後劉宗儀攝令乃立之於使星亭然不知此碑何年復淪入水中今惟存其首漢荊州刺史度侯之碑九字其餘文字悉皆漫滅特頑然片石而已蓋閘水撞激日久其字之

不存宜也

漢桂陽太守周府君碑

桂陽太守周府君者徐州下邳人也諱憬字君光體性敦仁天資篤厚行興閨門名闕州里舉孝廉拜尚書侍郎遷汝南固始相遂拜桂陽廼宣魯衛之政敷二南之澤政以德綏化猶風騰撫集烝細闕綏有方進則貞直退則錯枉崇舉濟濟吉士克朝招訓闕蒙開誘六蔽君子道長小人道消

信感神祇靈瑞符關嘉穀生於野奇草像

字關一蒲異根之樹超然連理於此關特邦

域惟寧郡又與南海接此商旅所臻自瀑

亭至乎曲紅壹由此水其水源也出於王

禽之山山蓋隆字關三于天泉肇沸踊發射

其顛分流離散為十二川彌陵隕隨丘阜

錯連隅陬壅遏未由騁焉爾乃貫山鑽石

經字關四揚爭怒浮沉潛伏虵龍蝓屈澧隆

鬱浥千渠萬澮合聚谿澗下迄安字關一六

瀧作難湍瀨字關二泫泫潺湲雖詩稱百川

沸騰高岸為谷深谷為陵蓋莫若斯天軌

所經惡得已改其下注也若奔車失戀狂

牛無縻關勿荒忽臚睦不相知及其上也

則羣輩相隨檀柁提關唱號慷慨沈深不

前其成敗也非徒喪寶玩隕珍奇替珠貝

流象犀也往古來今變甚終矣於是府君

乃思夏厚之遺訓關應龍之畫傷行旅之

悲窮哀字關一人困厄感蜀守冰殄絕犁堆

嘉夫昧淵永用夷易廼命良吏字關一帥壯

夫排積字關一石投之寥字關二高填下鑿截

回曲弼水之邪性順導其徑脉斷礮濫之

電波弱陽侯之汹涌由是小蹊乃平直大

道允通利抱布貿絲交易南至升涉周旋

功萬於前除昔字關二樹塞於茲雖非龍門

之鴻績亦人君之德宗故船人嘆於水渚

行旅語於塗陸孔子曰禹不決江疎河吾

其魚矣於是熹平三年歲在攝提仲冬之

月曲紅長零陵重安區社字景賢遵承典

憲宣揚德訓帥禮不越欽仰高山乃與邑

子故吏龔臺郭蒼龔雒等僉工擊石建碑

于瀧上勒銘公功傳之萬世垂示無窮其

辭曰

乾坤部兮建兩儀剛柔分兮有險夷咨中

嶽兮穆崔嵬嘆衡林兮獨傾虧增陵隋兮

甚隘崎鮫莫涉兮禹不規仰王禽兮又岷

峴俯瀧淵兮恒以悲岸參天兮無路蹊石

縱橫兮流洄洄波隆隆兮聲若雷或抱貨
 兮以從利或追恩兮有義汜自楫兮有不
 避闕躬軀兮於玄池委性命兮於芒緇情
 寒懷兮不皇計忽隨流兮殆忘歸懿賢后
 兮發聖茨閉不通兮治斯谿履巨石兮以
 湮填闕開切字闕一兮遵曲機摧六瀧兮弱闕
字兮散其波威怒定兮混瀾瀾息聊啾兮
闕五遊兮蛟龍藏睦老昌兮臚人歌名冠
 世兮超踰倫今稱闕兮耀流沙功斐斐兮

鏡海裔君乎君壽不訾

此碑元季廬陵陳謨跋謂漢刻本在
 隴上唐重刻本在曲江廟中不知何
 時徙置郡學韶州守錢旭既新府治
 以韶在漢屬桂陽乃徙置之後揚文
 貞公跋亦云碑在韶州府治按府治
 今為王府碑由是仍徙曲江廟中
 東廣漢碑絕少所有惟斯而已

周府君碑陰

故曲紅長零陵重安區祉字景賢故含淮

長南郡字關一蒼陸字關夏故渢陽守長南

平丞長沙漢昌蹇祇字宣節故行事來陽

華夏字漢威故荊州從事曲紅龔臺字少

謙故荊州從事曲紅郭蒼字伯起故荊州

從事柳王鼎字季尼故南部督郵曲紅龔

雒字關然故吏曲紅鄧音字孝直故吏曲

紅朱隲字義德故吏曲紅張涼字子才故

吏曲紅龔達字叔通故吏曲紅黃部字世

尼故吏曲紅周蓋字伯嘗故吏曲紅黃晏

字子齊故吏曲紅馬珪字元序故吏曲紅

潭承字曼升故吏曲紅劉鵠字季產故吏

曲紅黃祺字淑仁故吏曲紅周習字仲鸞

故吏曲紅劉越字子省故吏柳褚禧字關

讓故吏來陽蔡關字已明故吏渢陽左尉零

陵泉陵字關三故吏渢陽劉萌字仲關故吏

渢陽左勝字仲升故吏渢陽左劄字妙舉

故吏渢陽宋碩字子張故吏含淮堯禹字

公制故吏含涯張邵字曼威故吏含涯黃
詳字伯節工師南陽宛王遷字子疆

漢衛尉衡方碑

府君諱方字興祖肇先蓋堯之苗本姓關二

則有伊尹在殷之世號稱阿衡因而氏焉

關三字土家于平陸君之烈祖少以儒術安

貧樂道履諛顏原兼脩季由聞斯行諸砥

仁瀛關四字土階夷愍之貢經常伯之賓位

左馮翊先帝所尊垂名竹帛考廬江太守

凡鴈門太守關三字孝長發其祥誕降于君

天資純懿昭前之美少以文塞敦龐允元

長以欽明耽詩悅書關三字秋仕郡辟州舉

孝廉除郎中卽丘侯相膠東令遵尹鐸之

導保鄩二城參國起按斑敘關三字本肇末

化速郵置州舉尤異遷會稽東部都尉將

繼南仲邵虎之軌飛翼軫之旌操參關三字

綏耒王之蠻會喪太夫人感倍人之凱風

悼蓼莪之劬勞寢闇苦關一字仍關上言倍

榮向哀札服祥除徵拜議郎右平太守尋

李廣之在邊恢魏絳之和戎戎戢土佚費

省巨億懷字闕四靜有績遷潁川太守脩清

滌俗招拔隱逸光大茅茹國外浮字闕一淡

界繆動氣泄狂字闕五歸耒洙泗用行舍藏

徵拜議郎遷太醫令京兆尹舊都餘化詩

人所詠竝有亡新君字闕四隆寬慄鶉火光

物隕霜剿姦振滯起舊存亡繼絕恩降乾

太威肅剝坤本朝錄功入登衛字闕二翼紫

宮夙夜惟寅委蛇在公有單襄穆典謨之

風詔選賢良招先逸民君務在闕失順其

文舉已從政者退就勅巾永康之末君衛

孝桓建寧初政朝用舊臣留拜步丘校尉

處六師之帥維時假階將授袞職受任浹

旬奄離寢疾年六十有三建寧元年二月

五日癸丑卒詔遣使字闕一弔賻禮百賓臨

會莫不失聲其年九月十七日辛酉葬蓋

雅頌興而清廟肅中庸起而祖宗闕故仲

尼既歿諸子綴論斯干作歌用昭于宣關一

字以旌德銘以勒勳於是海內門生故吏

日關三采嘉石樹靈碑鐫茂伐祕將來其辭

日

峩峩我君懿烈孔純高朗神武歷世忠孝

馮隆鴻軌不忝前人寬猛不主德義是經

韜綜頤關溫故前呈攬英接秀踵迹晏平

初據百里顯顯令聞濟康下民懼武南會

邊民是鎮惟關三憂及退身叅議帝室剖

符守藩北靖關二有關有聲旋守中嶽幽

滯以榮邁種舊京關四含澤戴仁關二攸

寧克長克君不虞不陽維明維允耀關一

聲香能愆能惠剋亮天功入統關二赴赴

光光法言稽古道而後行兢兢業業素絲

羔羊閭閻侃侃顒顒昂昂何規復渠金玉

其相蹇蹇主臣羣公憲章樂只君子關二

無疆銘勒金石關五問關二萬世是傳

金石古文卷七

漢酸棗令劉熊碑

君諱熊字孟闕廣陵海西人也厥祖天皇

大帝垂精接感篤生聖明闕仍其則子孫

享之分源而流枝葉扶疏出王別胤受爵

列土封侯載德相繼丕顯闕五光武皇帝

之玄孫廣陵王之孫俞鄉侯之季子也誕

生照明岐嶷踰絕長闕四柴守約履勤禮

聖心叡敦五經之瑋圖兼古業覈其妙行

脩言道

字闕五

宜京夏莫不師印六籍五典

如源如泉既練州郡卷舒委隨忠貞

闕效

官

字闕三

出省楊土流化南城政猶北辰衆

星所從三祀有成耒臻我邦循東

闕之惠

抑

闕禮

官賞進厲頑約之以禮博之以文

政教如初慎徽五典勤恤民殷

闕心顧下

字

闕二

仁恩如冬日威猛烈炎夏貪究革情

清脩勸慕德惠潛流鬯芳旁布尤愍縣

闕

濟濟之儀孜孜之踰帥厲後學致之雍泮

草上之風莫不嚮應悅誨日新砥

字闕二素

土業勃然而興咸居今而好古雖未盡道

善必有所由處民之秉彜寔我劉父其人

魯無君子斯焉取旃允我劉父言善誘人

講禮習聆匪徒豐學屢獲有年

闕載充成

神民協欣兩不相傷故德交歸焉自古在

昔先民有作洪勳則甄盛德

闕刻表諸耒

世垂之罔極褒賢表善揚幽拔微式序在

位量能授宜官無曠事

字闕二

爲正以卒爲

更愍念烝民勞苦不均爲作正彈造設門
更富者不獨逸樂貧者關順四時積和感
暘歲爲豐穰賦稅不煩寔是我劉父吏民愛
若慈父畏若神明悔關令德清越孤竹德
牟產奇誠宜褒顯照其憲則乃相關咨度
諏詢采撫諂言刊關詩三章其辭曰
清和穆鑠寔惟乾字關一惟嶽降靈篤生我
君服骨齟聖允鍾厥醇誕生岐嶷言協關
墳懿德震耀孝行通神動履規繩文彰彪

續成是正服以道德民

有父子然後有君臣理財正辭束帛戔戔

關夢剡像鶴鳴一震天臨保漢寔生關勳

明試賦授夷夏已親嘉錫來撫潛化如神

其神伊何靈不傷人

猗歟明哲秉道之樞養關之福惟德之偶

淵乎其長渙乎成功關暇民豫新我關通

用行則達以誘我邦賴茲劉父用說其關

澤零年豐黔首歌頌

淳于長夏承碑

君諱承字仲克東萊府君之孫太尉掾之
仲子右中郎將弟也累葉牧守印綬典據
十有餘人皆德任其位名豐其爵是故寵
祿傳于歷世策薰著于王室君鍾其美受
性淵懿含和履仁治詩尚書兼覽羣藝靡
不尋暢州郡更請屈已匡君為主簿督郵
五官掾功曹上計掾守令冀州從事所在
執憲彈純糾枉忠潔清肅進退以禮允道

篤愛先人後已克讓有終察孝不行大傳
胡公歆其德美旌招俯就羔羊在公四府
歸高除淳于長到官正席流恩褒善糾姦
示惡旬月化行風俗改易輻軒六轡飛躍
臨津不日則月皓天不弔殲此良人年五
十有六建寧三年六月癸巳淹疾卒官嗚
呼痛哉臣隸碎踊悲動左右百姓號咷若
哀考妣狹孤憤泣忉恒傷摧勒銘金石惟
以告哀其辭曰

於穆皇祖天挺應期佐時理物紹縱光軌
積行勤約燕于孫子君之羣威竝時繁祉
明明君德令問不已高山景行慕前賢列
庶同如蘭意願未止中遭冤友不終其紀
夙世實祚早喪懿寶抱器幽潛永歸蒿里
痛矣如之行路感動儻有靈垂後不朽

漢西嶽華山廟碑

周禮職方氏河南山鎮曰華謂之西嶽春
秋傳曰山嶽則配天乾坤定位山澤通氣

雲行雨施旣成萬物易之義也祀典曰日
月星辰所昭仰也地理山川所生殖也功
加於民祀以報之禮記曰天子祭天地及
山川歲徧焉自三五迭興其奉山川或在
天子或在諸侯是以唐虞疇咨四嶽五歲
壹巡狩皆以四時之中月各省其方親至
其山柴祭燔燎夏商則未聞所損益周鑒
於二代十有二歲王巡狩殷國亦有事于
方嶽祀以圭璧樂奏六歌高祖初興改秦

淫祀太宗承循各詔有司其山川在諸侯者以時祀之孝武皇帝脩封禪之禮思登假之道廷省五嶽禋祀豐備故立宮其下宮曰集靈宮壑曰存僊壑門口望僊門仲宗之世重使使者持節祀焉歲一禱而二祠後不承前至于亡新寤用丘虛訖今垣趾營兆猶存建武之元事舉其中禮從其省但使二千石以歲時往祠其有風旱禱請祈求靡不報應自是以來百有餘年有

事西述輒過享祭然其所立碑石刻紀時事文字靡滅莫能存識延熹四年七月甲子農弘太守安國侯亭汝南袁逢掌華嶽之主位應古制脩廢起頓閱其若茲深達和民事神之義精通誠至禘祭之福乃案經傳所載原本所由銘勒斯石垂之于後其辭曰

巖巖西嶽峻極穹蒼奄有河朔遂荒華陽觸石興雲雨我農桑資糧品物亦相瑤光

崇冠二州古曰雝梁馮于豳岐文武克昌
天子展義巡狩省方玉帛之贄禮與岱亢
六樂之變舞以致康在漢中葉建設宇堂
山嶽之守是秩是望侯惟安國兼命斯章
尊脩靈基肅共壇場明德惟馨神歆其芳
遏穰凶札擎斂吉祥歲其有年民說無疆
袁府君肅恭明神易碑飾闕會遷京兆尹
孫府君到欽若嘉業遵而成之延熹八年
四月廿九日甲子就袁府君諱逢字周陽

汝南汝陽人孫府君諱璿字山陵安平信
都人時令朱頡字宣得甘陵郇人丞張昉
字少游河南京人左尉唐佑字君惠河南
密人主者掾華陰王萇字德長

京兆尹勅監都水掾霸陵杜遷市石遺書
佐新豐郭香察書刺者潁川邯鄲公脩蘇
張工闕君闕

漢玄儒先生婁壽碑

先生諱壽字元考南陽隆人也曾祖父脩

春秋以大夫侍講至五官郎中將祖父太
常博士徵朱爵司馬親父安貧守賤不可
營以祿先生童孩多奇岐嶷有志挽髮傳
業好學不厭不脩廉隅不節小行溫然而
恭慨然而義善與人交久而能敬榮且弱
之耦耕甘山林之杳藹遁世無悶恬佚淨
漠遲徠衡門下學上達有朋自遠冕紳莘
莘朝夕講習樂以忘憂郡縣禮請終不回
顧高位厚祿固不動心麤絺大布之衣糲

糲蔬菜之食蓬戶茅宇捲樞瓮牖樂天知
命推乎其不可拔也是以守道識真之生

音高尚其事鄉鄰州鄰闕親愛懷年七十

有八熹平二年正月甲子不祿國人乃相

與論德處諡刻石作銘其詞曰

皇矣先生懷德惟明優於春秋玄嘿有成
知賤爲貴與世無爭澤徠衡門禮滋醇義
窮下不苟知我者天身歿聲鬯千載作珍
縣之日月與金石存

漢蕩陰令張君碑

君諱遷字公方陳留己吾人也君之先出自有周周宣王中興有張仲以孝友爲行披覽詩雅煥知其祖高帝龍興有張良善用蕭何在帷幕之內決勝負千里之外析珪於留文景之間有張釋之建忠弼之謨帝遊上林問禽獸所有苑令不對更問嗇夫嗇夫事對於是進嗇夫爲令令退爲嗇夫釋之議爲不可苑令有公卿之才嗇夫

喋喋小吏非社稷之重上從言孝武時張

騫廣通風俗開

闕一字

畿寓南苞八蠻西羈

六戎北震五狄東勒九夷荒遠旣殞各貢

所有張良輔漢世載其德爰旣且於君蓋

其纏縵縉戎鴻緒牧守相係不殞高問孝

弟於家中寒於朝治京氏易聰麗權略藝

於從畋少爲郡吏隱練職位常在股肱數

爲從事聲無細聞徵拜

闕一字

中除穀城長

蟄月之務不閉四門鵬正之際休囚歸賀

八月英民不煩於卿隨就虛落存恤高年

路無拾遺黎種宿野黃中初起燒平關一

市斯縣獨全子賤孔蔑關二道區別尚書

五教君嵩其寬詩云愷悌君隆其恩東里

潤色君垂其仁邵伯分陝君懿于棠晉陽

珮璣西門帶弦君之體素能雙其勛流化

關一基遷蕩陰令吏民頡頏隨送如雲周

公東征西人怨思奚斯讚魯孝父煩段前

詰遺芳有功不書後無述焉於是刊石整

表銘勒萬載三代以來雖遠猶近詩云舊

國其命惟新

於穆我君既教既純雪白之性孝友之仁

紀行來本蘭生有芬克岐有兆綏御有勛

利器不覲魚不出淵國之良幹垂愛在民

蔽芾棠樹溫溫恭人乾道不繆唯淑是親

既多受祉永享南山千祿無疆子子孫孫

惟中平三年歲在攝提二月震節紀日上

旬陽氣厥拊感思舊君故吏韋萌等僉然

同聲賃師孫興刊石立表以示後昆共享
天祚億載萬年

此碑予官京師時嘗於景太史伯時
處見舊搨本不及錄近得之友人文
徵仲按隸釋云東漢及魏其碑到今
不許者十才一二凡歐趙錄中所無
者世不復有予生去宋數百年而此
本兩見歐趙錄中蓋未嘗載隸釋并
隸續亦無其文通志金石略所載碑
目雖多然亦未之及乃知昔人之言
未必可信而舊物之在天壤間者固
不可盡謂之無也

金石古文卷八

漢堂邑令費鳳碑

惟熹平六年歲格于大荒無射之月堂邑
令費君寢疾卒嗚呼哀哉於是夫人元第
故字關三守卜胤追而詠之其辭曰

君體履柔溫和其如玉脩孝友乎閨闕執
忠謇於王室立迹州郡仕更右職舉直措
枉強禦關貸貢孝三署勛譽有則出宰近
甸民懷厥德色斯輕翔翻然高潔王人述

職分闕班爵台闕二招助鼎調物退已進

第不營榮祿栖遲歷稔項領滯畜鄣土不

庭黔民作闕一命君闕二政化闕行逆善

遷惡三暮致道有耻且格文守旌功轉在

堂邑垂拱不言而民帥伏三時之間卒以

闕洽昊天不弔命也早歿春秋六十六黎

儀瘁陽泣涕漣灑豈愛哉躬命不可贖臨

終迷闕三內發祖業良田畝直一金推予

第息辭位讓財行義高邵卓不可及名實

相副有始有卒闕二人善瘳方切惻

故吏故鄣施業字世堅義民堂邑感忠忠

年十有一慈考早隕喪以備於禮制蓬首

而闕三壤而消辟地闕三行毋氏以闕四

而悼傷服闕菲五五縗杖莫未除廣陵之

郡守東海闕二聞寢疾而終卒凡百普悲

而闕四舜化北屋之餘慶隨闕棺柩車哀以

而逆之祖載已畢託還返其故鄉君闕其

節操悲其有闕一每以闕五其老親忠闕二

字君厚德念君之仁恩聞君之隕隧剝斷

而辛酸復截緣麻杖關君之柩棺扶號而

竭關泣涕其字關八甫於岐山字關一其從之

迷君而到官上書而薦君盡禽息之字關三

君之字關三君關三於山字關七列種嘉奇

樹持為之潤解忠業興字關二猶君恩使然

雖君有大化孰能爾者難子喪之終字關三

思其顏而關死可贖不愛字關二人今君關

於彼卓譎而超吏民慕高蹤來者其如雨

偉名建字關一石垂示於字關二

門下功曹徐侃字元節主簿呂嘉字元關

主史陳信字聖舉主記史關忠字建臺門

下游徵字關二字叔騰門下賊曹字關二字聖

臺門下史曹助字仲臺關吏呂常字孝讓

從掾位徐超字元貴

漢堂邑令費鳳別碑

君舅家仲孫甘陵石勳字子才載馳載驅

來奔于喪庭肝摧意悲感切傷心瞻彼碑

誅懷之好音司馬慕藺相南容復白圭仰
之以彌高鑽之而彌堅不堪哀且思敘詩
之一篇庶幾昔子夏起夫子之所言其辭
曰

君諱鳳字伯蕭梁相之元子九江太守之
長兄也世德襲爵銀艾相亞 遐祖之鴻
軌拓前代之休蹤邈逸越而難繼非羣愚
之所頌仁義本於心慈孝著於性言不失
典術行不越矩度清潔皦爾溼而不澤恤

憂矜危施而不記由近及遠靡不覆載故
能闡令名而雲騰揚盛聲而風布踐郡右
職三貢獻計辟州式部忠以衛上漢安二
年吳郡太守東海郭君以君有透虵之節
自公之操年卅一舉孝廉拜郎中除陳國
新平長神化風靡惠以流下靜而爲治匪
煩匪擾乾乾日稷 此黔首功成事就色
斯高舉宰司委職位思賢以自輔玄懿守
謙虛白駒以字闕一隰丹陽有越寇沒字闕四

命君封理之試守故鄣長蓋危亂有不讓

又畏此之字關二而關牧爰止其帥旅鷗若

飛鷹鷗字關一若夫虓虎疆者緩以德弱者

以仁撫簡在上帝心功訓而特紀轡輿宰

堂邑基月而致道祝字關四遂據于卿尹中

表之恩情兄弟與甥舅薦薦與女蘿性樂松

之茂好聞君顯令名舉宗為歡喜不悟奄

忽終藏形而匿景耕夫釋耒耜桑婦投鉤

莒道阻而且長望遠淚如雨策馬循大路

褰裳而涉洧字關二歌字關一離思黃鳥集于

楚惴惴之臨穴送君於厚土嗟嗟且傷

每食關悲不絕夫人篤舊好不以存亡改

文平感渭陽悽愴益以甚諸姑咸辟踊爰

及君伯姊孝孫字元宰生不識考妣惟厥

祖恩蓬首斬纒杖追世所不為流稱於

鄉黨見吾若君存剝裂而不已一別會無

期相去三千里絕翰永忼慨泣下不可止

漢溧陽長潘乾校官碑

蓋漢三百八十有七載闕三于銘工

著斯金石昇誄曰

溧陽長潘君諱乾字元卓陳國長平人蓋

楚太傅潘崇之木緒也君稟資南闕一之

闕四德之節操髻髦闕一敏闕一學典謨

祖講詩易剖演奧藝外覽百家衆闕一契

聖抱不測之謀秉高世之介屈私趨公卽

仕佐上郡位旣重孔武赴著疾惡義形從

風征暴執訊獲首除曲阿尉姦剗猾寇自

善歡履孤竹之廉禽蹈公儀之絜察廉除

茲初厲清肅賦仁義之風闕三之跡垂化

放乎岐周流愛雙乎闕二親賢寶智進直

退慝布政優優令儀令色獄無嗟吁之冤

野無叩匈之結矜孤頤老表孝貞節重儀

輕利制戶六百省無正繇不責自畢百姓

心歡官不失實於是遠人令聲景附樂受

一廛旣來安之闕一役三年惟泮宮之教

反闕一俗之禮構脩學宮宗懿招德旣安

以寧于侯用張籩豆用陳發彼有的雅容

字關一閑鍾石縣矣于胥樂焉乃作敘曰

翼翼聖慈惠我黎蒸貽我潘君平茲溧陽

彬文赴武扶弱抑疆字關一刈馘雄流惡顯

忠咨疑元老師賢作朋脩學童冠琢質繡

章寔天生德有漢將興尚且在昔我君存

今字關一此龜艾遂尹三梁永世支百民人

所彰子子孫孫昇爾熾昌

丞沛國銍趙勳字范伯左尉河內汲童竝

字公房右尉豫章南昌程陽字孝遂時將

作吏名戶曹掾揚准議曹掾李就議曹掾

桓檜戶曹史賀字關一從掾位侯祖主記史

吳超門下吏吳訓門下吏吳翔門下吏時

球

光和四年十月己丑朔廿一日己酉造

漢校官碑宋紹興十一年溧水尉喻

仲遠得於固城湖濱置之官舍今在

孔廟之大門右長樂陳長方雖嘗碑

其所得本未釋文則未之見碑以靈
帝光和四年歲在辛酉造距今凡一
千一百五十三年番陽洪景伯先生
出字爲之釋謂挈爲契犖爲黎畀爲
俾榘爲野賚爲責剗去其刀賢去其
具于侯與豳侯通尚且爲太公周公
可謂精審有據其餘不可辨者尚有
二十七字今觀首行自三百字以下
上下斯字凡十有六字比之洪氏作

釋文時又皆不可攷且如第二行之
字之下是禱字禱下闕一字有天字
敏之上是克字衆之下是雋字退之
下是慝字役之上爲復反之下爲失
此之上爲即皆隱隱可見洪則悉以
爲闕又如旣安且寧則以爲呂寧梅
檜則以爲桓檜豈當時誤於墨本而
然耶溧陽志志謂元卓爲元貞是又
以名乾而傳會也禧承乏於茲暇日

與士友曹國傑摩澤久之得其二三
因以洪先生釋文列於上僭附所見
於其下勒諸樂石以補前脩之所未
及者餘尚俟博雅君子云至順四年
龍在癸酉夏五月文學掾濟陰單禧

謹識

漢郎中鄭固碑

君諱固字伯堅荖君元子也含中和之淑

質履上仁

闕三字

孝友著乎閨門志行立乎

鄉黨初受業於歐陽遂窮究于典籍膺游
夏之文學襄冉季之政事弱冠仕郡吏諸
曹掾史主簿督郵五官掾功曹入則腹心
出則爪耳忠以衛上清以自脩犯顏謇諤
造脉詭辭加以好成方類推賢達善遂道
退讓當世以此服之邦后珍瑋以爲儲舉
先屈計掾奉我闕貢清眇冠乎羣彥德能
簡乎聖心延熹元年二月十九日詔拜郎
中非其好也以疾固辭未滿期限從其本

規乃遘凶愍年四十二其四月廿四日遭命隕身痛如之何先是君大男孟子有揚烏之才善性形於岐嶷字關二見於垂髫年七歲而天大君夫人所共哀也故建關共墳配食斯壇以慰考妣之心琦瑤廷以爲至德不紀則鍾鼎奚銘昔姬字關二武弟述其兄綜字關四行於蔑陋獨曷敢忘乃刊石以旌遺芳其辭曰

於惟郎中寔天生德願親誨弟虔恭竭力

教我義方導我禮則傳宣孔業作世模式從政事上忠以自勗貢計王庭華夏歸服帝用嘉之顯拜殊特將從睢意色斯自得乃遭氛災隕命顛沛家失所怙國關忠直俯哭誰訴仰號焉告嗟嗟孟子苗而弗毓奉我元兄脩孝罔極扈而有靈亦歆斯勒

漢廬江太守范府君碑

君諱式字

字關八

功存有夏寔曰御龍

關昨

商周世昭其隆晉主夏盟有士會者光演

弘謨翼崇霸業錫邑命族闕范氏則其後
爲也君稟靈醇之茂度體玄亮之殊高微
柔懿恭明允篤恕九德靡爽百行淵備弘
道耽藝恢韜墳籍探願研機罔深不入若
乃立德隆禮樹節寶真志諒足以弼國篤
友足以輔仁用能昭其洪懿聲克宇甸接
華彥於汝墳潤枯斃於荆漢超管鮑之遐
蹤信靈諄乎炳煥是以闕化泉流芳闕鴻
舊耀仁闕於權與濟俗侔乎皇訓郡公偉

馬弓旌盈路再讓考闕二三府舉高第侍

御史拜異州刺史糾剔瑕慝六教允施翰

飛肅於鷹揚典刑闕二軌闕帝闕其勲遷

廬江太守擬泰和以陶化昭八則以隆治

彌闕弘略惠訓亡倦闕二協闕三齊闕二

清源之深閤寶疏氏之至順以疾告辭韜

光潛耀詠琴詩以寧闕九其猶充洽外內

寔紹德之奐藪而儀民之淵表也未亮三

事闕三終闕六常山相暨子汜孫而胤嗣

周極粵青龍三年正月丙戌縣長汝南薛

字闕七感靈墀之不饗思隆懿模以紹奕世

乃與縣之碩儒各典謨之中闕同宗二

之胄昭告祖考俾守厥祀本著宣融之

祚人神協休茂之慶焉禮也於是卿字闕三

上計掾翟循州部泰山從事史翟邵等僉

以為君雖輝名載籍光颺前列而靈墳亡

闕儀問靡述遂相與略依舊傳昭撰景行

刊銘樹墓以聲百世其辭曰

於昭上德實唐之胤誕表靈和蹈規履信

窮神周覽祇道之訓邁德徽猶鴻漸闕舊

歲彼夸毗寶此醇懿以文會友以仁翼闕

敷化濟殖羣生以遂永言孝思民之攸暨

如何昊天不信其軌明德不報胤亡紀

爰輯訓典詢璽髦士育茲赫闕以永遐祉

詒厥孫謀耀于萬祀

金石古文卷八



